



UNIVERSITÄTS-  
BIBLIOTHEK  
PADERBORN

## **Concilia Provincialia Mediolanensis Sex**

**Borromeo, Carlo**

**Venetiis, 1602**

De conuersis.

---

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

in monasterijs suę curę, iurique subiectis, verum in illis, quorum curatio ni regulares cuiusnis ordinis pręsunt, illa omni ex parte, ut diligentissimè fieri potest, seruetur, propositis etiam Tridentini eiusdem Concilij, & arbitrij sui pœnis.

60. Contrà moniales item, & illas etiam, quarum curam Regulares gerunt, si quando è clausurę finibus exierint, facultate à sede Apostolica non impetrata, cęnsuris Ecclesiasticis, alijsque iuris remedijs agat, prout è re esse uiderit.

5. Ibidem.

61. Viri aliquot pij, ij denique solertes ab Episcopo deligantur, qui, festis pręsertim diebus, monialium monasteria, etiam regularium iure, curęve subiecta, adeant, forisque undique percipiant, si quid contrà, quàm de illis pręscriptum est, fiat, agaturve; anque quisquam sit, qui facultate non impetrata, cum illis colloquatur.

4. De Mona.

62. Monialium monasteria &c. Tit. de Visitat. nu. 27.

Episcopus autem, cum clausuras monialium, etiam earum, quę Regularium curę, iurisdictionique subiectę sunt, uisitat, de clausurę custodia, & decretorum, quę ad eam rectè tuendam, quouis modo pertinēt, usu, atque obseruatione, moniales, etiam singulas, ut opus esse uiderit, diligenter interroget.

6. Quę ad Mon. pert.

63. Quę monialium monasteria extrà vrbs, aut oppidi mcenia sita, Episcopus Tridentini decreti auctoritate, in vrbs, uel oppida frequentiora, ut tuta sint, transferri oportere, aut expedire censuerit nè ea in Ecclesia scęculares transferat, ubi animarum cura geritur.

3. De Moni. Sess. 25. ca. 5. d. reg. & Mo.

64. Si quando moniales, legitima facultate, ad aliquod monasterium transferri contigerit; eam curam, cogitationemque Episcopus suscipiat, ut quòd à, paucissimis conspiciantur, benè manè, sub auroram scilicet, à uiris erate, morumque honestate grauib, cognationeque propinquioribusque. cò. deducantur.

5. Quę ad Mon. pert.

*Quę in hoc Tit. desiderantur, videantur in Titulis, De Ecclesia interiori, & Exteriori Monial. & De Monasterio earundem.*

**De Conuersis.**

**S Y M M A R I V M.**


1. Conuersę moniales, qua etate, quam ob causam, quaque facultate exire possint è monasterij septis; & egressę quę caueant, quęque obseruent. 2.
3. Clausura ab eisdem, religionem professis, Episcopo curante seruanda. & De Monial. nu. 3.

Conti-

4 *Contumaces, ut puniendæ.*

*Conuerſe orationem mentalem quando habeant. De diuin. off. 4.  
Elemoſynam facere, donare, & vendere qua prohibentur. De Com-  
muni vitæ uſu. 13.*

1. *De Con-  
uerſis.*

1  Onuerſis minimum quadraginta annos natis, & Superiori probatis, facultas ſit exeundi è ſeptis monaſterij, propter negotia monaſterio neceſſaria, permittente tamen præfecta, quotieſcumq; exeundum fuerit.

Cui etiam liberum ſit, eas, ſi ita videbitur, intra ſep̄ta ſemper retinere quod ut faciat, ſi modo poſſit, eam vehementer cohortamur.

Ad funera autem nè prodeant, niſi quæ ordinis ſint mendicantium.

2 Exeuntes uerò binæ prodeant; neque longius diſcedant, altera ab altera, quam ut ſe inuicem aſpicere, & audire poſſint.

Quibus ſi ex urbe egredi contigerit, ſemper in eodem lecto ſonnum capiant.

Caueantque nè in cuiuſquam famoſæ perſonæ domum introeant, etiam ſi illa de monaſterio benè merita fuerit.

Neuè in domicilijs, ubi aliæ honeſtæ mulieres non habitent, pernoctent.

Neue litteras, aut mandata clàm perferant.

Aut quidquàm inane monialibus renuncient, quod foris uiderint, aut audierint.

Delinquentibus pena ſit, carcer, aut etiã grauior, arbitrato Superioris.

3. *De Monia.  
& reg:*

3 Quod ſanctiſſimus D. N. Gregorius XIII. de monialibus ſanciuit; id Episcopus exequatur quàm diligentiffimè, præſertim quod de certo earum numero conſtituendo decreuit, quod de elemoſynis præſtandis, quod de oſtiolo obſtruendo quo aditus è monaſterio patet ad exteriorem Eccleſiam; quod de clauſura ab eiſdem non uiolanda, & à conuerſis etiam ſeruanda, præſcripſit. Idque omne efficiat omninò, ut executionem habeat, cum in Monasterijs, quorum curam gerit, tum in illis Regularium curationi commiſſis: idque eiſdem conſtitutionis auctoritate.

4 Si quæ autem moniales, conuerſeue non ijs paruerint, quæ eadem ſanctione de clauſura ſtatuta ſunt; pœna uiolatæ clauſuræ plectantur.

## De Mulieribus Pœnitentibus.